

# CBETA電子佛典集成

---

CBETA Chinese Electronic Tripitaka Collection  
eBook

T24n1457

根本說一切有部略

毘奈耶雜事攝頌

唐 義淨譯

財團  
法人

佛教電子佛典基金會



# 目次

- [編輯說明](#)
- [章節目次](#)
- [卷目次](#)
  - .001,
- [贊助資訊](#)

## 編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 [service@cbeta.org](mailto:service@cbeta.org) 回報。
- 版權所有，歡迎自由流通，但禁止營利使用。

No. 1457

根本說一切有部略毘奈耶雜事攝頌一卷

三藏法師義淨奉 制譯

此雜事中總有八門，以大門一頌攝盡宏綱，一一門中各有別門，總攝八頌就別門中各有十頌，合九十頌，并內攝頌向有千行。若能讀誦憶持者，即可總閑其義。

大門總攝頌曰(總有八頌攝)：

甄石及牛毛， 三衣并上座；  
舍利猛獸筋， 笈多尼除塔。

第一別門總攝頌曰：

甄揩剪爪鉢， 鏡生支蹈衣；  
水羅生豆殊， 洗足裙應結。

別門子攝頌十行：

甄揩石白土， 牛黃香益眼；  
打柱等諸緣， 瓔珞即應知。  
剪爪髮揩光， 春時滄小果；  
渴聽五種藥， 廣說大生緣。  
綴鉢畜資具， 刀子及針筒；  
并衣損有三， 是大仙開許。  
照鏡并鑿水， 不應用梳刷；  
頂上留長髮， 浴室栗姑毘。  
生支當護面， 不為歌舞樂；  
許作歌詠聲， 用鉢有四種。  
蹈衣并諸袋， 褥及於坐具；  
有緣離三衣， 六種心念法。  
水羅有五種， 器共一衣食；  
露形噉飲食， 洗浴事應知。  
豆生不淨地， 吐食指授索；  
銅器不應為， 盛鹽等隨畜。  
應為洗足處， 及以濯足盆；  
熱時須扇風， 蚊蟲開五拂。  
結下裙不高， 不持於重擔；  
若病許杖絡， 服蒜等隨聽。

第二別門總攝頌曰(十行)：

牛毛并傘蓋， 披綵勝鬘緣；  
出家藥湯瓶， 門扇鎚斤斧。

別門子攝頌十行：

牛毛及隱處， 同床不獨披；  
若得白色衣， 染覆方應用。  
傘蓋無後世， 歌聲不放火；  
遊行覓依止， 毛綵不翻披。  
披綵聽不聽， 惡聲不置鉢；  
衣開三種紐， 應知條亦三。  
勝鬘惡生事， 次制諸瓔珞；  
金條及彩物， 斯皆不應畜。  
出家有五利， 不捉錢授學；  
大眾說伽他， 烟筩漱聽許。  
藥湯應洗浴， 灌鼻開銅盞；  
乘輿老病聽， 須知便利事。  
水瓶知淨觸， 願世尊長壽；  
因斯尼涅槃， 噉嚼俱開五。  
安門扇釘孔， 皮替處中窓；  
內閣網扇樞， 開店須羊甲。  
鐵鎚及鎗子， 鐵錘并木杵；  
釜床竈五百， 斧鑿眾皆許。  
許斤斧三梯， 竹木繩隨事；  
下灌造寺法， 說難他因緣。

第三別門總攝頌曰：

三衣及衣架， 河邊造寺鹽，  
拭面拭身巾， 寺座刀應畜。

別門子攝頌十行：

三衣條葉量， 床脚拂遊塵；  
行處著氍毹， 扞石須時畜。  
衣架及燈籠， 勿使蟲傷損；  
熱開三面舍， 可記難陀身。  
河邊制齒木， 羅怙遣出門；  
合訶不合訶， 二行應與服。  
造寺安簷網， 廣陳掃地緣；  
求法說二童， 熱時聽造舍。  
石鹽安角內， 藥器用氍毹；  
安替誦經時， 以物承其足。  
拭面巾疎薄， 唾盆并襯體；  
鐵槽砌基地， 日光珠浣衣。  
拭身履蛇咽， 石器生疑惑；

染衣有多種， 隨意盡伽藍。  
造寺所須物， 穿床禮敬儀；  
別畜剃髮衣， 花鬘掛眠處。  
好座并床施， 香泥及鉢籠；  
油器法語行， 衣袋持三索。  
須剃刀應畜， 及剪甲等物；  
支床并偃枕， 香土用隨情。

第四別門總攝頌曰：

上座及牆柵， 緣破并養病，  
旃荼猪蔗寺， 鉢依栽樹法。

別門子攝頌十行：

上座翻次說， 或可共至終；  
濾作非時漿， 處不為限齊。  
牆柵尼剃具， 不著打光衣；  
得少亦平分， 洗淨儀應識。  
緣破須縫[打-丁+替]， 明月聞便頌；  
依止知差別， 三人共坐聽。  
養病除性罪， 將圓不昇樹；  
王臣不受戒， 斬手不應為。  
旃荼蘇陀夷， 大衣暫時用；  
師謨婆蘇達， 取鉢已物想。  
阿市多護月， 賊想取白衣；  
此與大律同， 故更不煩出。  
猪蔗多羅果， 毛綫黑喜還；  
安置刀子針， 不用琉璃器。  
寺中應遍畫， 然火并洗浴；  
鉢水不蹈葉， 連鞋食不應。  
無鉢度大賊， 安居無依止；  
五年同利養， 負重不應為。  
四依求六物， 賊盜苾芻衣；  
委寄五種殊， 須知染衣法。  
須知栽樹法， 賊綫作神通；  
若得上帔衣， 不應割去績。

第五別門總攝頌曰：

焚屍詰三轉， 捨墮我身亡；  
界苾芻不應， 不合五皮用。

別門子攝頌十行：

焚屍誦三啟， 目連因打亡；

不應廣大作，多護諸珍寶。  
詰問令憶念，問彼容許不；  
教授事不為，長淨及隨意。  
佛三轉法輪，初度五人已；  
不喚名族等，拘尸宣略教。  
捨墮物不分，蚊幘隨意畜；  
三股狀作釜，應張羯恥那。  
亡後囑授別，委寄者身死；  
他方通委寄，若死對餘人。  
界外不與欲，將行不展轉；  
說戒隨意事，違者並招愆。  
苾芻應知數，隨意任行籌；  
不與俗同坐，老少應隨夏。  
不應居貯座，不誘他求寂；  
不為誓賭物，亦不食虎殘。  
不合自藏身，不為言白等；  
若得上價寶，賣之應共分。  
五皮不應用，餘類亦同然；  
若患痔病時，熊皮履應著。

第六門總攝頌曰：

猛獸筋不應，燈光及勇健；  
馱索度尼法，因許喬答彌。  
尼不前長者，可與餘臥具；  
不合輒澆水，是總頌應知。

別門子攝頌十行：

猛獸筋皮綻，擁前復擁後；  
兩角及尖頭，諸靴皆不合。  
四大王初誕，光明普皆照；  
父母因斯事，各為立其名。  
腹中天守護，生已蹈蓮花；  
舉手獨稱尊，灌洗花衣落。  
阿私多覩相，那刺陀勸師；  
五百瑞現前，父王立三字。  
付母養太子，令觀大人相；  
阿私多遠至，親覩牟尼形。  
燈光得為王，有五珠勝物；  
因敘奇異事，廣說健陀羅。  
鵝鷓鷯飲乳，芒草尾身齊；

斑駁與毛同，沙盆水不溢。  
鹽麩水差別，衣瓦變成塵；  
是謂健陀羅，世間思十事。  
猛光親問母，知從蠹所生；  
與彼五百金，驅之令出國。  
猛光侍縛迦，金光醫羅鉢；  
那刺陀得果，妙髮鉢持油。  
樓上逢增長，姪女夜觀星；  
因作馬鳴聲，商人抱枯骨。  
牛護獵師死，放宮天授歸；  
猛光向得叉，殺人聲以夢。  
猛光一切施，影勝捨餅初；  
臥具謂給孤，善賢造僧寺。  
文鳩死赤體，三種難不應；  
觀無厭不眠，總收其七頌。  
林內文鳩死，樹下獼猴亡；  
此世他世中，四盲闇應識。  
赤體空無用，杵臼唯應一；  
患害起疑心，輕賤事須漸。  
三種愚癡人，離間有三別；  
下品應車裂，姦詐事應知。  
難得為他事，孤獨事多虛；  
相違合重打，失去行無益。  
不應事不觀，不善合驅却；  
驚怖不歡捨，渴憶難思憂。  
無厭可愛事，不共戲奪財；  
不共爭惡心，無依伴不信。  
不睡及不欲，九惱無悲心；  
十惡十相違，十力天人現。  
勇健與寶器，妙光蘭若中；  
因能活開醫，不度損眾者。  
馱索等三同，忘由緒并問；  
大神通大藥，刀子下天宮。  
度尼八敬法，尼欲依次坐；  
二部事各殊，還俗尼不度。  
近圓從苾芻，半月請教授；  
依苾芻坐夏，見過不應言。  
不嗔訶禮少，意喜而眾中；

隨意對苾芻， 斯名八尊法。  
因度喬答彌， 出家有五利；  
可於五眾內， 訶責事應知。  
尼不在前行， 見僧應起敬；  
白僧半加坐， 歸俗詰無緣。  
長者與殘食， 殘觸不相避；  
不問隱屑事， 近圓坐應知。  
苾芻餘臥具， 應與苾芻尼；  
尼不踏橋板， 不著裝身物。  
不澆水污衣， 不持死胎子；  
不吞於不淨， 觸己子非他。

第七別門總攝頌曰：

笈多尼不住， 僧脚崎二形，  
道小羯磨沽， 轉根寺外石。

別門子攝頌十行：

笈多共兒宿， 王舍藥叉神；  
施兒衣繫項， 稱名與祭食。  
尼不住蘭若， 不居城外寺；  
不許門前望， 亦不現窓中。  
許著僧脚崎， 有男不池浴；  
交衢不應越， 宜在一邊行。  
若是二形女， 或是合道類；  
或常血流出， 及是無血人。  
道小著內衣， 近苾芻不唾；  
僧尼不對說， 當於自眾邊。  
苾芻作羯磨， 尼可用心聽；  
敷座令人坐， 尼座應分別。  
酤酒姪女舍， 途中不觸女；  
隨時開內衣， 歌舞不應作。  
僧尼根若轉， 至三皆擯出；  
廣說法與緣， 蓮花色為使。  
寺外不為懺， 獨不令剃髮；  
不賃尼寺屋， 輒等不揩身。  
不以骨及石， 若木或拳揩；  
唯用手摩身， 餘物皆不合。

第八門總攝頌曰：

除塔懺門前， 被差不應畜，  
不共女由婦， 瀉藥三衣蛇。

別門子攝頌十行：

除塔損波離， 僧制不應越；  
尼無難聽入， 教誡等相隨。  
尼懺不應輕， 隨意不長淨；  
更互當收謝， 尼眾坐應知。  
門前不長淨， 當須差二尼；  
若至長淨時， 差人待尼白。  
被差不避去， 當問教師名；  
著帽為鉢囊， 結鬢尼不合。  
不應畜銅器， 變酒合平復；  
賃房與俗旅， 誑惑作醫巫。  
不共女人浴， 亦不逆流洗；  
鉢底應安替， 不畜琉璃盃。  
由婦制錫杖， 起舞時招罪；  
濕餅受請食， 說法伴白知。  
瀉藥齒有毒， 刮舌錐應洗；  
由其罪業盡， 證得阿羅漢。  
三衣隨事著， 蘭若法應知；  
浴守門妙花， 不應住非處。  
由蛇觀臥具， 一衣不為禮；  
初至寺中時， 老年應禮四。  
世尊為高勝， 廣說弟子行；  
行雨問大師， 為說七六法。  
眾集敬大師， 聞法生正信；  
自述年衰老， 說行雨因緣。  
行雨竹林內， 修理波吒邑；  
渡河詣小樹， 漸向涅槃等。

第三十七卷記四黑白，次明涅槃事。

第三十八說善賢外道得果事，次說諸國爭舍利事。

第三十九說婆羅門與諸國分舍利，及牛主結集事等。

第四十說五百及七百結集事。

根本說一切有部略毘奈耶雜事攝頌一卷

大唐景龍四年歲次庚戌四月辛巳朔十五日景申，三藏法師大德義淨  
宣釋梵本並綴文正字

翻經沙門吐火羅大德達摩秣磨證梵義

翻經沙門中天竺國大德拔努證梵義

翻經沙門罽賓國大德達摩難陀證梵文

翻經沙門淄州大雲寺大德慧沼證義

翻經沙門洛州崇先寺大德律師道琳證義  
翻經沙門福壽寺寺主大德利明證義  
翻經沙門洛州太平寺大德律師道恪證義  
翻經沙門大薦福寺大德勝莊證義  
翻經沙門相州禪河寺大德玄傘證義筆受  
翻經沙門大薦福寺大德律師智積證義正字。  
翻經沙門德州大雲寺寺主慧傘證義  
翻經沙門西涼州伯塔寺大德慧積讀梵本  
翻經婆羅門東天竺國左屯衛翊府中郎將員外置同正員臣瞿金剛證譯  
翻經婆羅門東天竺國大首領臣伊舍羅證梵本  
翻經婆羅門左領軍衛中郎將迦濕彌羅國王子臣阿順證譯  
翻經婆羅門東天竺國左執戟直中書省臣度頗具讀梵本  
翻經婆羅門龍播國大達官准五品臣李輸羅證譯  
金紫光祿大夫守尚書左僕射同中書門下三品上柱國史舒國公臣韋汭  
源等，及修文館學士三十三人同監  
判官朝散大夫行著作佐郎臣劉令植，使金紫光祿大夫祕書監檢校殿  
中兼知內外閑廐隴右三使上柱國嗣號臣王邕

---

## [CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

---

## 信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

## [前往捐款](#)

---

### 劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

---

### 線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

### [線上信用卡 / PayPal 贊助](#)

---

## 支票捐款

支票抬頭請填寫「財團法人佛教電子佛典基金會」。

For donations by check, please write the check to  
"Comprehensive Buddhist Electronic Text Archive  
Foundation".

---